

5. Ova odluka stupa na snagu danom donošenja a objavit će se u "Službenim novinama Kantona Sarajevo".

Broj 08-14-2580/12
16. februara 2012. godine
Sarajevo

Ministar
Muhamed Kozadra, s. r.

**Ministarstvo za rad, socijalnu politiku,
raseljena lica i izbjeglice**

Na osnovu člana 66. stav 1. i 2. Zakona o organizaciji organa uprave Federacije Bosne i Hercegovine ("Službene novine Federacije BiH", broj 35/05) i člana 40. stav 2. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06, 21/06 i 17/10), ministrica za rad, socijalnu politiku, raseljena lica i izbjeglice Kantona Sarajevo donosi

PRAVILNIK

**O IZMJENI PRAVILNIKA O UTVRĐIVANJU
PREOSTALE SPOSOBNOSTI I RAZVRSTAVANJU
DJECE I OMLADINE OMETENE U PSIHO-FIZIČKOM
RAZVOJU**

Član 1.

Mijenja se član 4. Pravilnika o utvrđivanju preostale sposobnosti i razvrstavanju djece i omladine ometene u

psiho-fizičkom razvoju ("Službene novine Kantona Sarajevo", broj 26/08) (u daljem tekstu: Pravilnik) i glasi:

Stručne komisije za utvrđivanje preostalih sposobnosti i razvrstavanje djece i omladine ometene u psiho-fizičkom razvoju obrazuje u prvom stepenu JU "Kantonalni centar za socijalni rad" Sarajevo (u daljem tekstu: Kantonalni centar), a u drugom stepenu komisiju obrazuje Institut za medicinsko vještačenje zdravstvenog stanja Sarajevo.

Član 2.

Mijenja se član 6. Pravilnika i glasi:

Drugostepena stručna komisija se sastoji od 5 (pet) članova i to: neuropsihijatra, psihologa, specijaliste opće medicine i 2 člana ljekara specijalista u zavisnosti od prirode oboljenja.

Član 3.

Ovaj Pravilnik stupa na snagu danom donošenja, a objavit će se u "Službenim novinama Kantona Sarajevo".

Broj 13-02-859/12
15. februara 2012. godine
Sarajevo

Ministrica
Velida Memić, s. r.

GRAD SARAJEVO

Gradsko vijeće

Na osnovu člana 26. tačka 2. Statuta Grada Sarajeva ("Službene novine Kantona Sarajevo", broj 34/08) i člana 5. Odluke o uslovima i načinu dodjele "Šestoaprilске nagrade Grada Sarajeva" ("Službene novine Kantona Sarajevo", broj 4/08 i 38/11), Gradsko vijeće Grada Sarajeva, na sjednici održanoj 31.01.2012. godine, donijelo je

ODLUKU

**O VISINI NOVČANOG IZNOSA POJEDINAČNE I
GRUPNE "ŠESTOAPRILSKЕ NAGRADE GRADA
SARAJEVA" U 2012. GODINI**

Član 1.

Ovom Odlukom utvrđuje se visina iznosa pojedinačne i grupne "Šestoaprilске nagrade Grada Sarajeva" u 2012. godini.

Član 2.

Novčani iznos pojedinačne "Šestoaprilске nagrade Grada Sarajeva" u 2012. godini utvrđuje se u visini od 10.000,00 KM.

Član 3.

Novčani iznos grupne "Šestoaprilске nagrade Grada Sarajeva" u 2012. godini utvrđuje se u visini od 10.000,00 KM i ravnopravno dijeli među članovima grupe koja je dobitnik "Šestoaprilске nagrade Grada Sarajeva" u 2012. godini.

Član 4.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-231/12
31. januara 2012. godine
Sarajevo

Predsjedavajući
Gradskog vijeća
Prim. dr. **Željko Ler, s. r.**

Na osnovu člana 26. stav 1. tačka 2. i 4. Statuta Grada Sarajeva ("Službene novine Kantona Sarajevo", broj 34/08) i člana 12. Odluke o uslovima i načinu dodjele "Šestoaprilске nagrade Grada Sarajeva" ("Službene novine Kantona Sarajevo", broj 4/08 i 38/11), Gradsko vijeće Grada Sarajeva, na sjednici održanoj 31.01.2012. godine, donijelo je

ODLUKU

**O DOPUNI ODLUKE O OBRAZOVANJU ODBORA ZA
DODJELU "ŠESTOAPRILSKЕ NAGRADE GRADA
SARAJEVA" U 2012. GODINI**

Član 1.

U Odluci o obrazovanju Odbora za dodjelu "Šestoaprilске nagrade Grada Sarajeva" u 2012. godini ("Službene novine Kantona Sarajevo", broj 38/11) u članu 1. stav 1. pod rednim brojem 7. dodaje se tekst: "Fuad Husić, član", tako da tačka 7. sada postaje tačka 8. i tako redom do tačke 13.

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-227/12
31. januara 2012. godine
Sarajevo

Predsjedavajući
Gradskog vijeća
Prim. dr. **Željko Ler, s. r.**

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), te člana 6. Odluke o utvrđivanju i sufinansiranju kulturnih manifestacija od posebnog interesa za Grad Sarajevo ("Službene novine Kantona Sarajevo", broj 15/08 i 3/10), Gradsko vijeće Grada Sarajeva, na sjednici od 31.01.2012. godine, donijelo je

ODLUKU

**O SUFINANSIRANJU KULTURNE MANIFESTACIJE
OD POSEBNOG INTERESA ZA GRAD SARAJEVO I
IMENOVANJU ČLANA ORGANIZACIONOG ODBORA
MANIFESTACIJE XXVIII INTERNACIONALNI
FESTIVAL SARAJEVO "SARAJEVSKA ZIMA 2012"**

Član 1.

Ovom Odlukom Gradsko vijeće Grada Sarajeva učestvuje u sufinansiranju kulturne manifestacije od posebnog interesa za Grad Sarajevo, XXVIII Internacionalni festival Sarajevo "Sarajevska zima 2012", pod nazivom "2012", koja će se održati